

કાહાની-૧

દોહો કુવારીયહે દાખલો

૧ “તોવે હોરગા રાજ તી દોહો કુવારીયહે રોખાં રોય જ્યો પોતાના દીવા/મશાલ લેઈન વોવડાલ મિળા નીંગ્યહો.

૨ ત્યેહે માંય પાંચ મુર્ખ એન પાંચ હોમાજદાર આત્યો.

૩ મૂર્ખીહીય દીવા તે લેય લેદા, પેન ત્યાહા આરે તેલ નાંય લેદાં.

૪ પેન જ્યો હોમાજદાર આત્યો તીહીય દીવા આરે ડાબીમાંય તેલ બી બોય લેય લેદાં.

૫ જોવે વોવડાલ યાંઆ વાઆ લાગી ગીયી, તોવે ત્યે બોદહીન નીંદ યાં લાગી, એન ત્યો હુવી ગીયો.

૬ “ તોવે આરદ્યે રાતી બોમલાં લાગ્યેં: ‘એઅયા વોવડો યેય રીયહો! ત્યાલ મીળાં ચાલા.’

૭ તોવે બોઘો કુવારીયો ઊઠીને ત્યેહે દીવા હારા કોરાં લાગ્યો.

૮ એન ત્યે મૂર્ખીહીય હોમાજદારહીલ આખ્યાં, તુમેહે તેલામાંને આમાહાન બી દિયા,કાહાકા આમેહે દીવા ઉલાય જાંઆ કોઅતાહા.

૯ બાકી હોમાજદારહીય જવાબ દેનો કા ઈં તેલ આમે એન તુમેહે હાટી પૂરાં નાંય ઓઅરી; હારાં ઓઅતાં કાઆ તુમા વેચનારાહાપાંય જયન પોતા હાટી વેચાતાં લેઈયા.

૧૦ જોવ ત્યો વેચાતાં લાઆં જત, તોવે વોવડો યેય ફૂગ્યેલ, એન જ્યો તીયારી આત્યો, ત્યોઅ ત્યાઆ આરે વોરાડા ગાંઆમાંય જત્યો રોયો એન બાંઆ લાવી લેદાં.

૧૧ યા પાછેં બીજ્યો કુવારીયો બી યેયન એહેં આખાં લાગ્યો,ઓ માલિક આમેહે હાટી બાંઆ ઉગાડી દે.

૧૨ ત્યાંય જવાબ દેનો, કા આંય તુમાહાન હાચાંજ આખતાહું ,કા આંય તુમાહાન નાંય વોળખું.

૧૩ યાહાટી જગતેં રોયા, કાહાકા તુમા નાંય જાએં ત્યા દીહ્યા, એન તી ગેડાઈ વિશે.

